

MOJA, TVOJA  
**NAŠA  
ZEMLJA**

## Naša rješenja za Srednjobosanski kanton

**1.**

### **UKIDAMO ZDRAVSTVENE MARKICE**

Potpuno je neprihvatljivo naplaćivati zdravstvene markice od sopstvenih sugrađana, kojima se već odbija dio plate za zdravstveno osiguranje, a pogotovo od kategorija stanovništva koje su zakonom oslobođene plaćanja. To je reketiranje vlastitog stanovništva! Tu praksu ćemo ukinuti.

**2.**

## **1000 KM MJESEČNO ZA SVE PORODILJE**

Naša stranka je na primjeru Kantona Sarajevo pokazala da javnog novca ima za sve kategorije stanovništva, a pogotovo za podršku porodiljama koje u Sarajevu primaju naknadu od 1000 KM mjesečno za prvih 12 mjeseci života djeteta.

Do sada su porodilje u Srednjobosanskom kantonu bile zapostavljene jer slični programi nisu ni razmatrani. Našom pronatalitetnom politikom ćemo omogućiti svim porodiljama finansijsku naknadu tokom jedne kalendarske godine bez obzira na njihov radno pravni status.

## 3.

**NAŠA ZEMLJA - POTICAJ  
POLJOPRIVREDI I  
RURALNOM RAZVOJU**

Naša zemlja pruža mnogo, a Naša stranka će ponuditi rješenja kojima će se povećati ulaganja u poljoprivredu i turizam u ruralnim područjima i to na transparentan način.

Sela u Srednjobosanskom kantonu već decenijama odumiru. Jedan od razloga je taj što su poticaji netransparentni i selektivni. Sredstva odlaze onima kojima nisu potrebna ili osobama koje se fiktivno prikazuju kao poljoprivrednici dok naši sugrađani koji žive od poljoprivrede ostaju izigrani i zanemareni. Osim toga, seoska područja danas su gotovo ekskluzivno fokusirana na poljoprivredu s malim procentom stanovništva zaposlenog u uslužnim djelatnostima i turizmu. Oživjet ćemo naša sela transparentnim ulaganjem u poljoprivredu ali i razvoj drugih djelatnosti.

## 4.

**DJEČIJI DOPLATAK ZA SVE**

Svakoj porodici omogućit ćemo dječiji doplatak u iznosu od 50 KM, a socijalno ugroženima 100 KM po djetetu.

Dosadašnji dječiji doplatak koji iznosi svega 32 marke u našem kantonu, i to samo za porodice u socijalnoj potrebi, je sramotno škrt. Birokratija koja čak i porodicama u socijalnoj potrebi komplikuje realiziranje zahtjeva za dječiji doplatak se mora smanjiti, a doplatak povećati.